

## REGLUGERÐ

### fyrir holræsi í Hnífsdal, Norður-Ísafjarðarsýslu.

#### 1. gr.

Reglugerð þessi gildir innan marka Hnífsdals, Norður-Ísafjarðarsýslu.

#### 2. gr.

Öll framkvæmdastörf, er varða holræsakerfi í Hnífsdal, svo og nýlagnir, viðhald, endurbætur og viðauka, annast hreppsnefnd Eyrarhrepps eða sá aðili annar, er hún felur það satrf.

#### 3. gr.

Skylt er öllum að hlíta því, að holræsi sé lagt um eignarland þeirra eða umráðasvæði og að framfari nauðsynlegt viðhald og viðgerðir. Um bætur fyrir slíkt fer eftir ákvæðum vatnalaga.

#### 4. gr.

Þar sem hreppurinn hefur lagt holræsi í götu, götustæði eða opið svæði, er þeim húseigendum, sem þar eiga hús og geta náð í holræsið, skylt að leggja frá húsum sínum ræsi, er flytja allt skólp frá þeim svo og regnvatn í aðalræsið. Slíkar lagnir eru á kostnað húseigenda.

Vanræki einhver að láta gera ræsi frá húsi sínu í aðalæð, innan hæfilegs frests, getur hreppsnefnd látið framkvæma verkið á kostnað húseiganda. Engar frárennslislagnir að aðalæðum má hylja fyrr en þær hafa verið viðurkenndar af starfsmönnum holræsagerðarinnar. Aðeins starfsmenn holræsagerðarinnar mega annast tengingu við aðalæð.

Engum er heimilt að leggja ræsi í aðalæð nema með leyfi hreppsnefndar.

#### 5. gr.

Ekki er heimilt að veita frárennslí í holræsakerfið, er valdið getur skemmdum á því eða truflað rekstur þess, að dómi hreppsnefndar eða starfsmanna holræsagerðar.

#### 6. gr.

Kostnaður allur við holræsakerfið, þar með talið viðhald, greiðist úr sveitarsjóði.

Til að standast þann kostnað ber hverjum húseiganda og lóðarhafa, sem á þess kost að tengja hús sitt við holræsakerfið eða hefur gert það, að greiða árlegt holræsagjald til sveitarsjóðs er nemi 1.0% af fasteignamati hússins og kr. 0.50 af hverjum fermetra lóðar eða óbyggðra lenda.

Nú eru hús á lóðum, sem ekkert frárennslí þurfa, skal þá húseigandi greiða fullt gjald af lóð, en ekki húsi.

Árgjald greiðist fyrir það ár, sem tenging fer fram og skal gjalddagi vera þá húseiganda er heimilt að leggja í götuæð.

#### 7. gr.

Holræsagjaldið greiðist af húseigendum og lóðarhöfum þegar ekki er um eignarlóð að ræða, og eru þeir ábyrgir fyrir greiðslum þess gagnvart hreppsnefnd. Kröfur, sem hreppsnefndin kann að öðlast samkvæmt reglugerð þessari, má taka lögtaki á kostnað gjaldanda, og eru gjöld þessi tryggð með lögveði í húseign og lóð næstu tvö ár eftir gjalddaga með forgangsveðrétti fyrir hvers konar samnings- eða aðfararveðum.

Gjalddagi holræsagjalds er 1. maí árlega.

## 8. gr.

Hið árlega holræsagjald getur hreppsnefnd hækkað eða lækkað, eftir atvikum, um allt að 50% — fimmtíu af hundraði — án staðfestingar ráðuneytis.

## 9. gr.

Mál út af brotum á reglugerð þessari skal farið með að hætti opinberra mála.

## 10. gr.

**Ákvæði til bráðabirgða:**

Lóðagjald samkvæmt 6. grein tekur ekki gildi fyrr en síðar, er hreppsnefnd gerir sérstaka samþykkt þar um.

Reglugerð þessi, sem hreppsnefnd Eyrarhrepps hefur samið og samþykkt, samkvæmt lögum nr. 15 20. júní 1923, staðfestist hér með til að öðlast gildi þegar í stað, og birtist til eftirbreytni öllum þeim, sem hlut eiga að máli.

*Félagsmálaráðuneytið, 26. júní 1969.*

F. h. r.

**Hjálmar Vilhjálmsson.**

*Hallgrímur Dalberg.*

**REGLUGERÐ****fyrir Vatnsveitu Hnífsdals.**

## 1. gr.

Vatnsveita Hnífsdals er fyrirtæki, sem Eyrarhreppur, Norður-Ísafjarðarsýslu, er eigandi að og rekur í þeim tilgangi að fullnægja vatnspörf heimila, hafnarinnar og fyrirtækja í Hnífsdal. Vatnsveitan skal rekin sem sjálfstætt fyrirtæki undir nafninu: Vatnsveita Hnífsdals.

## 2. gr.

Hreppsnefnd Eyrarhrepps fer með stjórn vatnsveitunnar. Oddviti (sveitarstjóri) fer með bókhald og fjárreiður og annast daglegan rekstur hennar. Heimilt er að ráða sérstaka starfsmenn fyrir vatnsveituna, að tillögu vatnsveitunefndar, er hafi eftirlit með mannvirkjum hennar og annist önnur trúnaðarstörf fyrir hana. Vatnsveitunefnd setur þeim erindisbréf en hreppsnefnd ákveður laun þeirra eftir tillögu vatnsveitunefndar.

## 3. gr.

Vatnsveita Hnífsdals hefur einkasölu á vatni á því svæði, sem hún nær yfir og getur fullnægt, svo og til hafnarinnar.

Vatnsveitan lætur leggja vatnsæðar um svæðið, aðalæðar og götuæðar.

## 4. gr.

Hver sá, sem á húseign við götu eða veg, sem vatnsæð liggur í, á rétt á að fá tengda vatnsæð frá henni við húsið, á eigin kostnað, enda sé það reist með samþykki bygginganefndar og vatnið ætlað til heimilisþarfa.

Vatnsnotkun til annarra þarf skulu að jafnaði leyfð, með nánari fyrirmælum og skilyrðum, er vatnsveitan setur hverju sinni.